

四庫全書

史部

欽定四庫全書

史部

欽定八旬萬壽盛典卷十

詳校官國子監學正臣常循

欽定四庫全書

八旬萬壽盛典卷十

聖德

六  
健德

臣等謹案天行健自强不息乾之道也聖人則之以貞固幹事而有日新之功中正純粹而著无疆之譽亦惟體乾之健以法天之行而已矣我

皇上秉作聖之姿法行健之體

臣

等恭讀本年

御製經筵易論學自己自然二義而約其要於無為正

與

八徵耄念實記所云幸賴

天佑身體康強一日萬幾未形智衰不可不自勉者其理

互相發明方茲

聖壽日隆

聖躬日健

蒞祀

親政倍薦

敬勤前以禮官請以耜田特

詳示保躬頤性之旨而

精神之充裕見於每歲

肄武行圍挽強輒中

時巡于邁控轡自如無論耆艾少壯矍鑠即少壯亦未

有能習勞整暇若此者又況旰食宵衣

精闡恒語晏眠曉起備恤人情凡茲著在

篇章無非徵乂弗懈之實事

臣等伏惟

視履吉祥固由天賦異稟非尋常所可仰企要之

聖人夕惕朝乾習勤守靜其養之也有素其持之也以

恒乃益臻乎剛健篤實輝光而如

天之運行不息常久而不已者也

皇上以壽登八旬於乾隆五十四年

躬行耕藉禮

乾隆五十四年三月初六日

皇上詣

先農壇致祭畢

親至耕所行三推禮過

御觀耕臺從耕王各五推大臣等各九推順天府大興宛平兩縣各員率耆老農夫行禮至耕藉所終畝禮成是日奉

上諭本日舉行耕藉適值天氣晴明一切典禮辦理俱為妥協所有執事之大臣官員人等俱著交部議叙順天府係承辦衙門將賜祭已經賞戴花領仍與吳

省欽一併交部從優議叙其老民人等舊例有應得  
賞賚此次著加倍賞給此內有八十一歲之老民劉  
榮著賞給七品頂戴再加兩倍賞賚至隨從之侍衛  
人等並著分別賞給緞疋以示朕行慶施惠至意

御製耕耜禾詞

己酉

午未申仍三載違旬師申命此清畿七旬有九勤耕耜  
自審庶無負古稀

六十一禾詞昔詠補今三什冊書中

向於耕耜日記  
先農禮成述事外



復有永詞或三四首或五六首不等皆彙書於冊歷年  
已得六十一首今又為三首補書冊內數符義卦義兆  
生生翼協  
屢豐之象  
數上成  
成上下經義卦占吉惟殷顓屢豐

中祀一週行合當

予立願歸政以前  
祀歲必恭承近思

郊廟大  
中祀亦欲於兩

三年內皆親祭一週蓋自揣八旬之年蒙  
精力尚強勉盡恪虔以盡為君之職此後則當依例遣  
官及茲身體尚康強盡予懇款抱蜀職能此都緣  
矣

天賜祥

先是乾隆五十年二月初三日奉

上諭此次致祭

先農壇舉行耕藉朕自揣精力康強尚能躬舉三推所  
有應行事宜各該衙門照例敬謹預脩候朕親詣行  
禮

是年二月二十七日奉

上諭此次親行耕藉朕躬舉三推應令諸皇子隨侍觀  
禮以昭飭農務本至三王著派睿親王質郡王皇  
六子儀郡王皇八子皇十一子皇十五子著隨耕佈  
種

是年十月二十一日奉

上諭每歲春三月應祭

先農壇行耕耤禮禮部俱先期將祭祀日期及耤田一應事宜預行具題雖屬照例辦理但國家典禮以實不以文朕臨以來來兢兢以敬

天勤民為念

郊

壇大祀無不躬親即耤田親耕亦從未嘗稍憚煩勞雖本

年壽已七十有五猶親舉三推之典惟是春秋已高或恐步履稍遜若二三年後自揣精力如常偶一舉行豈非熙朝盛事至本年甫經親行耕耜明應應否躬蒞自候朕酌行乃禮部仍照例具題親詣行禮者親親詣行禮者然豈不轉成為具文耶我國家受

命延洪純嘏敷錫世世子孫若能皆似朕之敬勤不倦自必景祚綿長享國久遠朕所用古稀天子之寶特於乾隆宮存貯一分若我子孫內有享永祚而登上壽

者亦得鈐用此寶洵為社稷靈長之福嗣後我子孫  
繼承奕禩惟當不懈益勤凡遇親耕典禮若年在六  
十以內禮部自應照例具題年年躬行耕藉之禮若  
年逾六十令禮部先期以親蒞或遣官之處具本請  
庶鉅典不尚虛文文而展禮昭益誠恪著為令所有  
此次禮部具題一本即著照此旨改繕進呈

乾隆五十四年十一月初二日奉

上諭禮部按例題耕藉所謂具文而已朕臨御以來恭

遇

郊

廟大祀無不祇肅躬親卽

中祀之禮亦嘗親行而耕耤則不啻數十次矣仰荷

上蒼眷佑

列祖鴻庥春秋日高精神强健明歲已屆八旬是以一切  
中祀典禮如

先農朝日夕月等壇俱於八旬以前兩年內以次親祭

一週即今春亦曾耕耤矣至於八旬後恭遇

南郊

北郊

太廟祫祭大祀仍嘗歲歲躬親以及歸政之年始終勿懈  
若此六年內筋力設有不逮未克躬親鉅典朕亦不  
敢或有勉強稍滋損越臨時自有旨其餘

中祀及耕耤之禮若復仍事親行轉非體

天勅躬保養精神或有類於矯枉沽譽不肯為也即如木

蘭秋彌朕恪遵

家法四十餘次無不控騎行圍今秋圍場仍乘騎而行至  
明年八月以後則理宜頤養起居擬勿策馬而今歲  
仍必舉行者亦猶

中祀親祭一週之意也嗣後凡遇

中祀耕藉著禮部卽於本內奏請遣官行禮其應否親  
詣之處不必聲明請旨矣若

太廟時享及致祭



社稷壇仍著內閣將親詣遣官之處雙簽呈覽候朕臨  
時酌量降旨庶鉅典不尚虛文而祀禮益昭誠恪其  
每年經筵講學從容坐論原不勞筋力較衛武公之  
年尚少十歲歸政以前仍應照舊舉行以示始終典  
學至意

臣等謹案耕藉之典所以勤民勗農伊古所重  
我

朝演耕加推罷綵棚斥蔬圃

皇子從耕回人列侍規制視往代加隆

皇上臨御以來

親蒞者不啻數十次自

七旬以後猶

勤躬行總由

健體綏康迺能從容藏禮亦猶

中祀一週皆本自然之敬而非有勉強於其間迺

以禮臣聲請恐涉具文

申諭至再蓋

聖人揣量精力固未嘗稍稍煩勞而

節慎起居正所以體

天而善養其德為純全矣

皇上

行獮木蘭

御製神槍發必命中至

八旬舉行如初

御製山莊啟蹕木蘭行圍疊去歲作韻戲用倒勾體

已酉

二載期猶試獵鞭昨秋遇潦罷于田

向以八旬後理宜節勞頤養可弗乘

馬是以昨秋啓蹕幸木蘭詩有逮八旬將罷乘騎欣茲一再尚鳴鞭之句乃去秋以雨多溪漲扈行行李率未

能到而各獵場亦多沮和不可佈園因命罷獵

明年慶典應宮禁此日行圍勉

惕乾

明年予八旬萬壽屆期自應回京師御殿受賀以昭盛典今歲秋獵仍當祇遵家法未敢耽於

安逸然亦自揣精力尚健並非有所勉強也

豈為禽從娛樂已亦惟

家法繼繩前中闕

行宮名

五十里而吉駐早拈詞拂翰筵

御製入崖口

已酉

崖口平從舊路入昨年遇潦偶然思情當曲體惟茲衆

知不可違者是時

去年入崖口偶緣潦水成漲雖危從人等俱至大營而行李多未能到不

可不曲體衆情罷園旋蹕然農隙講武時不可違而家法昭垂意最深遠今年自當依例舉行及老

仍應厯武詰柔遐兼以沛恩施

予雖年居八旬而精力尚健不敢以詰武為勞

矧蒙古王公台吉等每年於萬壽前至山莊宴賚駢蕃即佈園之千二百人俱有賞賜是柔遐之中兼寓恩施法制誠為美善秋雲朗霽山原廓獮典前年正若斯

御製蒙古王公等進晏即席得句

已酉

塞嶺秋暄紅間

去聲

綠諸蕃備晏効尊親穹廬進酒重孫

塔席間進酒者喀爾沁王曼珠巴匝爾乃詐馬臨場卅

皇次孫綿恩之塔則予之重孫塔也

次人

每年塞晏蒙古王公等設詐馬什榜相撲教馳四  
事以表敬候覽自乾隆六年至今已四十次矣

左右顧憐鮮等輩

憶自乾隆辛酉行圍木蘭爾時扈從  
者科爾沁親王羅卜藏滾布喀爾喀

親王成滾北布喀爾沁郡王伊達木扎布巴林郡王琳  
親教漢貝勒羅卜藏等皆皇祖之孫行與朕等輩

年亦相齒自二十年以後次第凋謝茲行圍  
侍晏者皆子孫或曾孫輩矣長年何慶之有  
支持幸尚

有精神天花示喜霏微落那學維摩不著身

御製巴顏和樂行圍即事

巴顏蒙古謂富和樂蒙  
古謂溝俗即謂巴顏溝

已酉

秋獮誠欣物賚紅

蒙古謂紅色為物賚所獲獸多則稱阿巴物賚巴

巴顏果不

負名崇欽飛虎一鎗真壯命中鹿三矢未空

是日射中三鹿將

至八旬猶策馬迴思昔歲送歸鴻及能欲畢為君職

中祀躬親此意同

夙願致政以前恭遇大祀歲必躬親凡

中祀例應遣官

者欲於一二年內皆親祭一週以盡負展抱蜀之職今春躬祀 歷代帝王廟詩曾識此意若木蘭行園乃恪

遵 家法已四十巡於茲矣即數日以未園場命中頗不覺勞然八旬後理宜節勞頤養擬弗策馬而令歲

必舉行者及茲身體尚健亦猶 中祀親祭一週之意耳

御製出崖口作

己酉

君職詰戎率歲為

擬八旬後可弗乘騎令歲仍必舉行秋彌亦猶一二年內欲於中祀皆

親祭一週以盡君職之意詳見前已類和樂行園即事詩注

出崖口合御車宜明秋

禁苑開八慶後歲山莊望九期

明秋八旬慶典固當於京城御賀受賀後歲至

山莊避暑則年已望九理應節勞罷乘騎矣

未致政寧當自逸擬臨觀敬效

前規

子年十二侍

皇祖行園維時詢之

御前

連舉十三園馬工命中不減昔時仰邀優厚後歲即不欲乘騎然秋彌令典我

天眷更加朝家法所貽

予未致政以前不敢自逸屆時仍擬率皇子及孫曾元輩進哨令皇子等行園而予於看城臨觀或坐而引弓

射獸做微之盛事惟待

前規是亦伊古所無

能如是否心誠願



虔待

天恩佑賚垂

臣等欽惟我

皇上恪循

家法行彌木蘭所以

詰武柔遐厥典綦重邇自

冲齡十二

親侍

神武即謹習勞迄今

壽登八袞控弦命中率以為常而射虎洞麋善獵者  
猶弗能逮至每歲

行圍紀實詩篇不可勝載臣等謹錄已酉年  
御製數什以仰見

聖意而

天體之健亦於斯可徵焉若夫

校射選材以程衆勇者分載本門

勤德類

皇上時巡每常

乘馬乾隆五十五年

聖壽八旬

東巡啓蹕策騎如初

先是乾隆四十五年

皇上壽居七旬

聖駕五巡江浙四十九年載舉

六巡皆

策馬觀民以便瞻覲至歲

幸避暑山莊

行圍

閱稼無不按轡習勞本年

東巡啓鑾至迴蹕天津率皆

控御從容著在

詩什

御製策馬

庚戌

策馬曉春晴輕寒輕暖程畿南接山左駕送更鑒迎不  
覺八旬耄相關一念情所欣入佳境稔後麥抽莖

右恭錄本年

東巡策馬詩一首其

策馬由天津府城至柳墅行宮詩謹分載本門

敬德類

臣

等竊以屬車清塵類陳露冕觀民之盛我

皇上巡方

法駕珠勒安行萬姓伏謁道旁靡不欽

聖躬之矍鑠咸快就瞻至於

莅蹕山莊歲常

策騎雖

聖意擬於八旬後稍從頤養而

高年益健未覺其勞則亦

聖不自聖之一端也

皇上壽登八旬

聖躬強健約舉每歲

詩篇具徵全體

御製精神一律

癸卯

精神自信尚如常筋力微嫌遜昔強雖曰氣之率者志  
敢圖逸以懈其忙宵衣旰食身逢偶夕惕朝乾心最長  
一紀佇將歸政後養餘年或樂時光

按宵衣旰食朝乾夕惕二語古今承用習焉不察余  
謂宵衣旰食以體諸身者言朝乾夕惕以存諸心者

言敬勤之意則同而內外之功各異且所謂宵衣旰食者亦偶遇機務繁重是以曉求衣食則不遑暇食耳至尋常寢興飲食自有常度設必每日中宵即起過午方食致徒勞無益而使文武諸臣僕御衆役疲于奔走難以為常詩所謂顛倒衣裳究何當於率作興事之義耶設以為勤政套語則是有名無實益不可若夫朝乾夕惕則易所謂自強不息書所謂所其無逸凡為人君者當常存欽翼無一念不敬天愛民



無一事不謹小慎微庶乎萬幾就理不負承天子民  
之責余臨御四十八年年逾古稀雖精力微遜昔時  
而精神自信如常猶日孜孜不遑暇逸惟益以此自  
勗而已因繹宵旰乾惕之義得什并識

御製鮮寐

庚子

冬夜本丞長高年復鮮寐交寅率已醒未肯披衣起  
近侍彼亦人丙夜念劬伺又思宵而衣端居應問事朝  
臣来自家或者有未至我自無眠耳人豈乏耽睡晏起

既興箴自公復致議

謂東方未明章

進退兩涉咎為君難不啻

腹藁漫成吟天明書已誌

御製曉起

癸卯

老年率鮮寐丑末寅初醒未肯即披衣恐勞瞽御等東  
方昔致刺晏起復為青無是有多非為君難可省勿興  
或其可摺奏批各省引見對明廷人材酌莠穎豈以豫  
卷阿而忘勅政整

御製少寐

甲辰

少寐老人常況當冬夜永寅初已懶睡寅正無不醒披

衣坐徘徊明旦氣堪省且弗問政務恐勞衆馳騁我寅

彼當丑齊風早致警

謂東方未明章

未明而求衣虛頌一以屏

因復降溫綸歲邁七旬等質明來亦可宜避夙興冷

朕以

年老少寐每日夙興即於養心殿視事諸臣自家入直起必更早大學士嵇璜蔡新伍彌泰俱年逾七旬冬令衝寒頭養非宜因降旨加恩令於日出後入朝如遇風雪遇寒即不入直亦可其三品以上七旬之大臣準此

用示優眷

君逸戒予心臣勞憐爾景勉以勤贊襄陳善繩愆

黽

御製晏眠

庚戌

晏眠人為樂晏眠我謂苦豈其性異人聽我陳醜縷寐  
賴神之全老年人短阻是以寐弗長每每醒四鼓設如

即求衣東方刺應覩侍御實亦勞

侍御之人每日先一時早起祇候若四鼓

求衣彼當三鼓而起是終夜不能休息矣

彼非人子否

叶

無奈攬衾眠其晏

翻有楚消煩或句成歌枕仍延佇庾明乃夙興斯苦向

誰語問不早朝人

用白居易語

其樂誠何所

臣等伏見我

皇上夙夜宵密

心矢惕乾

御製精神一律發明宵旰之宵而不肯鶩宵旰之名

此誠

躬行有得之言而示民以

常度者也若夫求衣問夜古王以為盛軌而我

皇則本諸

性成蓋

勵明作

體下情念念胥周無非以

積健盡先勞之職夫豈拘拘於高年養體謂可稍耽

安逸也哉

御製登望蟾閣極頂作歌

丙午

崇閣構來已多年却祇四頂兩登頂

乙亥年因母大慶阿里衮所

備仿武昌黃鶴樓三層木料給值築於此歷年以來雖四登惟庚辰甲申兩登其最上層作歌暢目甲申

今復閱廿年駒隙光陰真似騁古稀有六步尚強拾百

十級消俄頃問斯老健以何得身每習勞以守靜詎惟  
養體此要詮夕惕朝乾胥是省昆明湖及萬壽山其餘  
事耳偶眺領

御製白玉鳩頭杖口號

壬寅

白玉鳩頭刻杖扶即令健步尚非須山莊置待耆艾用  
耆艾猶能至此無

御製詠漢玉鳩杖

乙巳

刻玉為鳩杖炎劉賜老民古應習多見今却作希珍獻

徒稱瑞撫時堪寓仁健行權弗藉置待倦勤一宸

御製篋鞬用癸卯恭題

皇祖御用鞬詩韻

辛丑

門前呈射年十二

壬寅歲余年十二侍門前呈射發矢連中每邀

皇祖于宮

恩獎

仰惟

家法肆勤尚射癸巳歲教以

皇祖御蒙

用鞬十有二奔之篋行用昭

手澤垂示萬年耳

獎深恩識至今劼毖幸惟無忝

澤觀揚敢或有渝心步艱中鵠已常愧

自庚辰臂病後步射艱于持滿

命中每引為愧而行園藉馬力控射時仍以爲常也

馳可殫廩衆聽欽篋奔泐詞



廣舊韻永懷寧為寶球琳

御製詠和闐玉韞

丁未

璧圭題額見決韞詠希聞儒士多輕武熙朝率重文敢  
因

家法懈猶日獵場勤

騎射為我朝  
孫當萬年遵守

家法每誨諭子  
是以予年逾古稀

必歲幸木蘭行猶猶能引控自如多有中獲蓋以身先  
之不敢自逸至于步射以臂痛不能中鵠久不為矣

步射則久置思之畧愧云

御製久不作蠅頭茲題夷齊廟四景於自寫卷中以限

於畫境遂勉為之輒成此律 癸卯

二老聖之清者處為圖題句置齋中

甲戌歲駐此題廟中四景詩並寫屈

蟠松圖攜歸戊戌及今巡再疊舊韻俱親書卷中茲以詩字較多限於圖幅因勉作蠅頭細書年逾古稀目力尚能不資眼鏡因示皇子及軍機大臣等並命廣和四景詩元韻題於卷末留弄此處 重來撫卷

心難忍便以拈毫意有融促就八叉原則慣閒尋四景本相同蠅頭作不資眼鏡似勝據鞍矍鑠翁

御製眼鏡 辛丑

眼鏡不見古來自洋船徑勝國一二見今則其風盛玻

璃者過燥水晶溫其性目或昏花者戴之藉明曠長

上聲

年人實資翻書槧几凭令四五十人何亦用斯競一用

不可捨捨則如瞽定我茲逮古稀從弗此物憑

叶

雖艱

悉蠅頭

余昔年喜作蠅頭細書今所藏卷冊甚多近作憶昔詩仍書冊尾目力頗覺遜前矣

原可

讀論孟

如刻板四書字視之原如故也

觀袖珍遜昔然斯亦何病絜矩

悟明四勿倒太阿柄

言一用眼銀則不可捨將被彼撻其權也

御製眼鏡

戊申

眼鏡有二種水晶與玻璃玻璃價實廉水晶貨居奇水

晶雖艱致用之無害滋玻璃出冶鍊薰蒸火氣貽長

上聲

年目力衰視物或可資今率五旬用何異同佩觿予古  
稀有八依然弗用斯蠅頭雖難工且顚恒書之以小可  
喻大常理非奇思藉已明於他其道乖君師

詩成既而思之明目達聰非藉已明於他人乎蓋明  
目達聰公也寄耳目於左右私也此其間蹟相似而  
道不同差之毫釐謬以千里故大舜好問好察固明  
目達聰之公猶必執兩端而用其中若後世庸主以

猜忌之私寄耳目於左右求其明適成其暗是故申而論之

臣等伏覩我

皇上承自

天之保佑裕

聖體之康寧雖當

大耋增年而

莊敬持躬

從容適性允符丹書恭壽之訓是用諷尋

睿什循類恭輯蓋凡一切用人行政宵旰勤勞何一  
不足以徵

精神之康豫無能仰窺亦無能殫紀惟是日用行習  
高年氣體所必資而尤多不能裕如者

聖人以行健之緒餘而即為耆齡耄祿之所未能企  
及萬一若跋馬控弦登高濟勝以至寢興之節  
明達之公見諸

指事成吟寓物徵實者即小見大莫不具有本原伏

繹

御製四德論謂惟慎起居節飲食為養生之常道而  
若求仙服餌素鄙其術以是為我

皇上之壽則皆由我

皇上之德之純固有以備致焉本年安南國王阮光

平奉表有云仰瞻

天容睟穆僅似五旬蓋遠徼藩臣且知以敬服之心

備形容之實矧

臣等親依

禁近常接

龍光其慶幸為何如者乎

八旬萬壽盛典卷十



欽定四庫全書

八旬萬壽盛典卷十一

聖德

七

仁德

臣等謹案仁者必壽理有不求而得者恭讀

御製經筵論謂壽非一己之私而有萬世之言大哉  
聖言實萬世帝王立德之鴻規矣本年慶介

八旬正誕

仁壽凝禧固已撮集福崇毫浹於太和之宇竊維

皇上之壽如

穹園之貞運四序未易以數周知而

皇上之仁亦如

昊澤之汜濩無私徧萬物而莫窮其紀斯五十餘年

邛德大政誠名言之而弗罄一端者伏繹

四得續論引易語發明有取於繫傳守位曰仁聚人曰

財理財正辭禁民為非曰義之旨因反覆究索藉

以窺我

皇上保樂洽壽之本原焉如

覃恩之詔凡十次矣而十載中頒其三

普蠲之詔凡六次矣而錢糧與漕糧十載中免其二又

如

大赦之詔減宥並行而隨事渥施優恤於

慶典

巡典之外此即繫辭曰仁曰財曰義之功用也此即

皇上體仁之至

綏壽之所以無窮者也而若

加恩宗室以逮臣工士庶之叨被

洪慈者不一而足約舉之以備例事所無至於籌水利

重農功仁也而本於勤謹已著之本門

勤德其他

恩施溥博或以昭

萬年之曠典或以示

示四裔之殊榮則分載

恩賚門

皇上七旬萬壽

八旬萬壽及乾隆五十年恭遇

國慶

覃恩

頒詔凡三次

先是乾隆四十五年

皇上七旬萬壽臣民請舉

慶典未蒙

允行仍沛

特恩於是年正月初一日

頒詔天下五十年欣逢

國慶

覃恩頒詔一如前儀

乾隆四十五年詔

奉

天承運

皇帝詔曰朕統御寰區勤求郅治茂時育物畏懼滋深  
仰賴

上蒼眷佑

列祖貽庥海宇敕寧輿圖式廓孜孜夙夜於今四十五年  
春秋正屆七旬緬惟

皇祖聖祖仁皇帝法

天行健久道化成我

金史卷之二十一  
皇考世宗憲皇帝不繼

鴻謨厚澤深仁淪肌浹髓朕祇遵寅虔不敢暇逸以承  
前烈惟冀實心實政永底昇平至如臣工慶賀繁文概所  
弗取第念中外臣民企慕瞻依彌形篤摯已於乾隆  
四十三年普免天下漕糧並特開鄉會試恩科以宏  
樂利之庥以廣作人之化今茲履端協慶率土咸熙  
允宜俯愜輿情溥施大澤我

皇祖六旬萬壽曾特頒



恩詔遐邇均霑朕惟以

皇祖之心為心覃敷闡澤嘉與天下臣民共躋仁壽用稱

朕敬

天法

祖加惠黎元之至意所有應行事宜開列於後

一五嶽四瀆等祀應遣官致祭著察例舉行

一

歷代帝王陵寢

先師孔子闕里應遣官致祭著察例舉行

一自王以下宗室覺羅十五歲以上者俱加恩賜

一滿漢大臣年六十以上者俱加恩賜

一內外滿漢文武各官俱加一級

一內外大小各官除各以現在品級已得封贈外凡  
陞級改任者著照新銜封贈

一凡試職各員俱准實授

一國子監貢監生及各官學教習免坐監期一月

一各省儒學以正貢作恩貢以次貢作歲貢

一滿漢孝子順孫義夫節婦該管官細加諮訪確具事實奏交禮部校實旌表

一滿洲兵丁原係兵甲効吏行間因病年老間住者著加恩賜

一八旗滿洲蒙古漢軍兵丁及內扎薩克喀爾喀等蒙古年七十八十九十以上者分別賞賚至百歲者題請旌表

一軍民年七十以上者許一丁侍養免其雜派差役  
八十以上給與絹一疋綿一觔米一石肉十觔九十  
以上者倍之至百歲者題明旌表

一凡嶽鎮海瀆廟宇有傾頽者該地方官估計工料  
具奏修葺以昭誠敬

一各省道路橋梁間有損壞者地方官查明修理以  
利行旅

一直省有坍沒田地其虛糧仍相沿追納者該地方

官查明咨部奏請豁免

一從前各省偏災地方所有借給貧民籽種口糧牛具等項查明實係力不能完者著予豁免

一各處養濟院所有鰥寡孤獨及殘疾無告之人有司留心以時養贍毋致失所

一內外官員有因公誥誤降革留任者該部查明奏請開復

一各省軍流以下人犯俱著減等發落

於戲惠此萬方俾緝熙于純嘏斂時五福用敷錫厥庶民布告天下咸使聞知

乾隆五十年詔

奉

天承運

皇帝詔曰朕膺圖建極熙績撫辰恭荷

上蒼篤祐

列聖貽謨遐邇乂安版圖式廓夙夜兢業弗敢康寧仰惟

皇祖聖祖仁皇帝化成久道仁義漸摩

皇考世宗憲皇帝累洽重熙涵濡休養朕祇承

世德敬迓

鴻釐於今五十年壽逾古稀康強勤政稽三代以上帝王  
御宇紀登久祚者代不數觀洎漢而後史冊更數聞  
焉方今

昊穹申命繁禧茂集於朕躬五世元孫一堂衍慶緝熙純  
嘏之休浹於海宇凡茲中外臣民咸登仁壽際斯熙

會洵千載一時爰循

祖典於上春六日懋舉耆筵龐眉鳩杖集於闕廷者三千

叟二月上丁恭行

釋奠迺臨新建辟雍引年講學用以導揚庥明式茲觀  
聽上儀具舉丕烈用光我國家億萬斯年之福申錫  
無疆惟爾海內羣黎向化喁喁瞻依彌摯前者朕七  
旬萬壽曾普頒恩詔閭閻澤覃數令御極五十年嘉慶  
疊臻尤為繫古稀有朕惟一人有慶兆民允賴是宜



特沛殊恩下符輿望用稱朕敬

天法

祖加惠黎元之至意所有應行事宜開列於後

一各直省有同堂五世者著各督撫查明咨送軍機處彙奏給予賞賚

一五嶽四瀆等祀及風雨雷火雲神應遣官致祭著  
察例舉行

一

歷代帝王陵寢

先師孔子闕里應遣官致祭著察例舉行

一王妃以下奉恩將軍之妻以上公主以下鄉君以上年過六十者俱加恩賜

一外藩王妃以下公扎薩克台吉塔布囊妻以上年過六十者俱加恩賜

一滿漢大臣命婦年過六十者俱加恩賜

一八旗滿洲蒙古漢軍兵丁及內扎薩克喀爾喀等

蒙古未經入宴之年七十八十九十以上者分別賞  
賚至百歲者題明給與建坊銀兩並加賞大緞一疋  
銀十兩

一滿洲兵丁係披甲効力行間年過六十因殘廢疾  
病間住不能入宴者著加恩賜

一軍民年七十以上者許一丁侍養免其雜派差役  
八十以上者給與絹一疋綿一觔米一石肉十觔九  
十以上者倍之百歲者題明旌表並加賞大緞一疋

銀十兩

一各省儒學以正貢作恩貢次貢作歲貢

一國子監貢監生及各官學教習免其坐監期一月  
一內外滿漢大臣文武官員俱加一級試職各員俱  
准實授

一內外大小各官除各以現在品級已得封贈外凡  
陞級及改任者著照新銜封贈

一各省軍流以下人犯俱著減等發落

一各處養濟院所有鰥寡孤獨及殘疾無告之人有  
司留心以時養贍毋致失所

一滿漢孝子順孫義夫節婦該管官細加諮訪確具  
事實奏交禮部核實旌表

於戲敘五福錫厥庶民以洽百禮式九圍受茲多祜  
曰至萬年布告天下咸使聞知

乾隆五十五年詔

分載  
本年

恩賚門  
恩詔

右臣等恭舉前後

恩詔而以本年頒布二十二條分系

恩賚門者蓋以賚之義專屬於行慶而

詔則兼綜於行仁典以時而遞加令率先而廣布惠

此萬方以綏

多祐稱鴻喬焉若乃五位十成會萃時合南諧北燮

近悅遠來茲

大壽之詔於例賜朝鮮外復

頒及安南琉球暹羅諸國則又

壽錫寰區

仁敷化外合之

古稀

國慶兩次益足宣美揚庥者耳

乾隆四十五年

聖壽七旬

詔免各省漕糧五十五年

聖壽八旬復

詔普免天下錢糧

本年

恩蠲分  
恩賚門

節年

加恩蠲貸各款具有成數

臣  
嵇璜等謹

奏為恭查蠲免錢糧數目恭摺奏

聞事欽惟我

皇上承

列祖

列宗之緒恢至久至大之基惠愛黎元勤求民瘼



深仁厚澤浹髓淪肌自

御宇至今五十年蠲租

賜復未易枚舉

臣

等謹綜計五十年来戶部奉行普免

天下地丁錢糧者三次共銀七千六百六十八萬

五千四百餘兩糧五十三萬一千四百餘石普免

天下漕糧者二次共九百餘萬石又節年各省水

旱灾歉賑卹及蠲免民欠地丁鹽課共銀一萬三

千四百五十二萬三千餘兩米穀豆共一千一百

二十五萬六千餘石又

巡幸恩蠲地丁鹽課漕倉民欠等項共銀一千四百四十六萬三千七百餘兩米麥豆共七十六萬八千一百餘石總計節次普免蠲免共銀二萬萬二千五百六十七萬餘兩共米麥豆二千一百五十一萬一千餘石臣等恭查乾隆元年以來節次所奉恩旨統校戶部蠲賑銀糧數逾二萬萬遐稽往牒從未見有

閩澤覃敷

湛恩汪濊若此者也謹恭摺奏

聞伏祈

皇睿鑒謹

奏

臣  
和坤等謹

奏遵

旨將乾隆四十九年以後各省水旱灾荒蠲免錢糧及

豁免民欠未完并動項賑卹共用銀若干萬兩之  
處交查戶部茲據覆稱自四十九年以後各省因  
災蠲免及豁免民欠未完共銀六百三萬二千四  
百餘兩米穀一百五萬九千五百餘石各省被有  
偏災動項賑卹共用銀一千八百五十一萬八千  
九百餘兩米穀一百一十四萬五千一百餘石統  
計四年內蒙

恩蠲賑等銀共二千四百五十五萬二百餘兩米穀二

百二十萬四千五百餘石等語謹

奏

右臣等敬錄乾隆五十年五十三年覆

奏蠲免全數二摺其本年

恩旨普蠲酌蠲各款目並分載於

恩賚門竊伏見我

皇上愛育黎元與民歲富遇

慶辰而覃

渥澤博施濟衆深契大易惠心元吉有孚勿問之占  
至偶值偏隅水旱不惜多費帑金俾一夫不失  
其所而且展賑常賑月限無拘積欠豁除動逾  
數十百萬或

蹕路所經又必酌免地丁錢糧凡茲

溥錫深仁莫能枚舉良由

聖心誠求保赤以稱物之施致足民之用綏豐介祉

懋

鴻慶於方長箕範一篇雖未始言仁而攸好錫民已  
裕其本所由九福備福以壽富開其先也歟

皇上七旬萬壽及

國慶

時巡屢頒

恩赦乾隆五十五年

八旬萬壽

詔命停免秋譏復

敕所司分別減釋如例

分載恩賚門

先是乾隆四十五年

皇上七十萬壽

特頒

恩詔內開各直省軍流以下人犯俱著減等發落五十年

國慶頒詔一如前例是年舉行千叟宴

皇上矜恤年老監禁人犯俱予減免省釋凡事在



恩詔前者刑部欽遵辦理庚子

聖駕五巡江浙所有江蘇安徽浙江三省軍流以下事

在

恩詔後者並予減等癸卯

聖駕四詣

盛京所有奉天吉林黑龍江等處一應情實人犯俱

得減等軍流以下悉予寬免甲辰

六巡江浙欽奉

恩諭與庚子同是年直隸山東需雨甚殷一體

加恩減等有差自庚子以後清理庶獄凡三其緩決三  
次分別減等者四十七年計五千二百二十餘名  
四十九年計三千二百七十餘名五十二年計二  
千九百九十餘名是年監禁官犯並予釋放外藩  
蒙古情罪較重者如之又四十八年京師佇望雨  
澤減軍流以下罪名五十三年亦以待雨減免徒  
罪以下各犯均

諭刑部查明情節議奏悉予寬宥施行

乾隆五十五年七月二十九日奉

上諭本年屆朕八旬萬壽自當照例將秋朝審情實人犯加恩停其勾決而刑部九卿科道等因係停勾之年於各省秋審朝審招冊案犯校議具題時想亦不過虛應故典未必照每年詳慎辦理但其中有情罪重大者如糾衆匪劫奪犯傷差妖言惑衆逞兇殘殺並官員侵漁帑項勒斂民財之類非殘忍不法即有

關於民俗官方予以監候已屬法外之仁使更久稽  
顯戮不特死者含冤莫釋而莠民奸吏日遠漸忘非  
所以肅刑章而昭炯戒刑部以為應仍於秋審勾到  
在案本不多朕矜慎庶獄不厭詳推所有此次刑部  
另開情重各犯仍著會同九卿科道和衷研核倘有  
核其情節尚可緩至明年者九卿科道不妨切實指  
出簽商讞獄大典在常時尚宜詳慎况際此行慶施  
惠之時乎至御史謝清問前次條陳各款向有刑部

問擬罪名不宜加從重字樣一條顯係沽名邀譽已  
明降諭旨挾其隱微但既有此奏刑部九卿科道於  
核議情重人犯時即著謝清問在旁察聽將此等人  
犯是否實係情真罪當不能不從重辦理之處逐案  
指示以服其心若謝清問另有所見亦不妨隨同簽  
出以示朕慎重刑章大公至正之意

臣等謹案天地之大德曰生帝王之大德曰好  
生從來矜恤之仁所關於代理者綦重也我

皇上布愷宣恩久協咸中之慶近自

七旬覃詔以後屢

沛殊施用申曲赦欣逢

壽釐登八歡洽敷天彌用推廣

生成

德音廣布蓋仰荅

天心俯全民命所以播祥和而流慶澤者至矣極矣


臣

等謹以事例分系

恩賚爰綜叙節年

曠典之加而以本年

諭停秋讞仍令精校詳推以昭欽慎者特著於編



欽定八旬萬壽盛典卷十一



欽定四庫全書

史部

欽定八旬萬壽盛典卷十二之十四

詳校官兵部郎中臣孫球

欽定四庫全書

八旬萬壽盛典卷十二

聖德

八

仁德二

皇上加恩宗室以乾隆四十七年

欽定品秩復以四十八年正月

普宴於

乾清宮

乾隆四十七年九月十五日奉

上諭近觀蒙古世襲家譜知各蒙古王公子嗣及閒散  
台吉塔布囊年已及歲者俱各按定例給以應得品  
級頂帶而宗室中除承襲封爵及現有官職外其閒  
散宗室向無按品給頂之例現在宗支繁衍瓜瓞綿  
延皆我

祖

宗派系流傳譜列銀潢名登

玉牒乃以身無職級竟至與齊民無別殊不足以示親親

而宗體制著將王貝勒貝子公子嗣及閒散宗室年  
已及歲者俱照蒙古王公台吉塔布囊之例分別給  
予品級官頂帶宗室現在當差職分較小者准其與  
閒散宗室一體照例換給官頂在宗室等身有品級  
自必各知自愛不致蕩檢踰閑其中或有不肖犯法  
之人亦照蒙古台吉塔布囊之例即行革去官頂如  
此則於褒榮之中仍寓勸懲之意藉此可以教育成  
全而天家子姓俱得邀章服之榮益足昭國家睦族

展親之詣甚盛典也所有如何分別嫡庶等第酌給  
官頂之處著大學士軍機大臣會同宗人府詳悉妥  
議具奏至

聖祖

世宗之孫及現在皇子皇孫曾孫元孫輩俱可戴紅絨結  
頂其如何分別支派遠近准其戴用之處亦著一并  
妥議具奏再覺羅亦係宗親但派系稍遠向原准其  
同旗人應試出仕且有任各省州縣者若一體另結

官頂於現行統屬儀制轉多未協毋庸另行議及將  
此通諭知之

御製敦叙殿得句

癸卯

丙寅斯設宴卅載逮今年

憶丙寅八月於敦叙殿錫宴宗親維時與宴者朕諸叔昆

弟子姓凡百人有事未至者尚五十餘人有  
柏梁體聯句詩逮今癸卯凡三十八年矣

彼聚尊及

近茲聯卑以全窄嫌庭院席寬就殿墀筵

昨歲加恩宗室分別議及

頂戴茲以春正十日嘉宴行慶賀禮本支繁衍至二千  
人瀛臺敦叙殿墀限於地隘難以肆筵因於乾清宮丹

陛上錫宴實  
盛典佳話也數典實因此重成五字篇

欽定四庫全書

八旬萬壽盛典

卷十二

三

御製正月十日乾清宮普宴宗室得句誌喜十韻

有序  
癸卯

韶開玉琯堯蓂數十葉之春派毓璇源姬虺行萬年  
之祚昔初紀展親錫宴敞瀛苑而聯賡洎昨秋詔爵  
宣綸普天潢而示寵懋典踵行於敷叙廣筵肇啓於  
乾清臚子姓者凡二千人支繁十世自王公以及三  
四品燕衍一堂既增秩以賜金復承筐而授掌序賢  
序齒孝弟之心油然而本有文禮樂之事備矣仰  
龍興於東土慶逮雲初遡麟趾於西京恩推水木準四

十九旗之世例爾子孫勉承錫類之榮席百廿餘載  
之皇圖我國家永迪興仁之教歡申渥闡喜誌長言

事成時節藉因緣宗子加官此日全

向來開散宗室無按品給頂之例昨

歲秋因開蒙古家譜知各蒙古王公子嗣年已及歲者俱給以頂戴陡思我宗室支派繁衍轉無職級不足以示親親而崇體制爰降旨將王貝勒貝子公之嗣及宗室年已及歲者俱照蒙古王公台吉塔布囊之例分別給予頂戴其宗室現在當差職分較小者亦准其與開散宗室一體給與頂戴因令大學士軍機大臣會同宗人府分別詳議奏聞  
**四代未行或有待**  
自我世祖定鼎燕京加恩蒙古世襲即為今現  
行例而我宗室除王公以至奉恩將軍各有世襲其餘盡為開散宗室無頂戴官銜我  
皇祖  
皇考加



恩宗室者無所不至而未降斯旨即予歷四十七年之久亦未思及此昨秋方有此諭豈非舉大事亦必有時節因一時爰舉乃無愆

緣乎  
仁皇

憲帝恩垂鑒近派遠支祿永延式詠繇瓜胥

祖澤遂歌行葦列賓筵

六朝慶衍葉百億十世居滋人二千

我朝宗室皆太祖高皇帝本支

雲初繁衍已及十世此次與宴自王貝勒貝子公以及三四品頂戴者共一千三百八人其三四品頂戴人員有事不能與宴者五百六十九人合計共二千人各頒賜如意朝珠文玩綺帛銀兩有差起藩前勲

寧忘爾例元後嗣合同然

戊戌年因恭閱錄得備悉懿親蓋臣勤勞佐

列聖寶

命之勲因降旨復還睿親王多爾袞封弼追謚曰忠並令補繼祿封又豫親王多鐸禮親王代善鄭親王濟爾哈朗肅親王豪格克勤郡王岳託其子孫所祿均非始封之名交軍機大臣會同宗人府議復其原弼並補置牌位配享太廟至蒙古乃元之後裔其王公台吉塔布囊等子嗣年已及歲者尚各按定例給以應得品級頂戴況宗室間散名登玉牒自應一體定議給予頂戴且俾各知自愛藉此可以教育成全益足昭國家展親睦簪纓被矣禮義勗家室肫乎孝弟先醉酒莫族之誼

言茲飽德篤親匪曰慢興賢已欣設席長幼序復有承

筐次第宣共沐

欽定四庫全書

天庥示海宇大清國祚萬斯年

臣等謹案黃帝二十五宗得姓者十四人祚延  
於後高陽高辛氏有才子十六族世濟其美堯  
典稱九族親睦周詩美同姓大封古帝王祥洽  
貞齡茂鍾世緒由來尚矣我

皇上寶籙凝釐

萬年昌祚邇自

太祖以下至奉字派為十一世

敬念

祖宗延禧之厚

聖神篤祐之隆於乾隆四十七年

欽定宗室品秩

寵班冠服典懋肆筵維時萃二千人之衆

介眉獻觥歡臚慶牒盖

立愛自親始

興仁以孝弟先於以知

聖天子令德壽豈其

恩誼為最摯者矣

皇上優眷臣工乾隆四十九年

命自三品以上年逾七十者俱免早朝五十一年

賞降草留任官員仍支俸米五十三年

諭閣臣不兼部務者並准俸米雙支如例

乾隆四十九年九月二十七日奉

上諭朕年老寡寐每日夙興原即於養心殿視事諸臣

自家入朝趨直住居稍遠者其起身必當更早大學士嵇璜蔡新伍彌泰俱年逾七旬現交冬令氣候漸冷若衝寒早起於頤養之道究屬非宜嗣後嵇璜蔡新伍彌泰俱著加恩令其於日出後進朝如遇風雪沍寒之日即不入直亦可其三品以上七旬之大臣準此以示朕優眷老臣之意

乾隆五十一年二月初七日奉

上諭向來在京文武官員有罰俸處分者止罰俸銀其

俸米仍支領而降革留任人員因重分較重是以降級留任者照所降之級支領俸米革職留任者停其支領第念在京官員多仰藉祿糈以資辦公若將俸米一併停減當差未免拮据其令自今以後凡在京文武官員有降級革職留任者止將俸銀分別停減其應得俸米俱准其照原品支領以示朕體恤臣工祿以養廉之意且京師多米流通亦一善事也

乾隆五十三年七月初二日奉

上諭向來六部尚書侍郎每年俱給予雙俸雙米而大學士之兼管部務者則照尚書例俸米俱屬雙支其不兼部之大學士每年係雙俸單米大學士領袖班聯職分較大所得俸米比尚書轉少殊未允協嗣後大學士之不兼部務者亦著加恩給與雙俸雙米以符體制

臣等伏覩我

皇上推恩臣工有加無已自夫



壽逾古稀勤勞如一沍寒戒候猶求衣問燎之不遑

迺蒙

眷愛耆臣

詔於日出趨直凡茲有位靡弗忤勉之交深者矣敬  
惟

皇上德懋於勞已而

仁實周於恤人即如祿糈之頒或分非應得或例不

兼支皆荷

優予之恩以

示同仁而符體制

臣

等益惟殫夙夜之誠以庶幾敬

事後食之義用冀稍酬恭養云爾

皇上加恩武臣乾隆四十六年

命增內外官養廉並

諭一切賞用準支正省其各省原扣兵丁名糧改挑實額

乾隆四十六年六月初四日奉

上諭向來各省提鎮以下至將弁等俱有分扣兵丁名糧作為得項者此固舊例如此且武職衙門非如文員之定有養廉是以即將此項為公用養贍之資但此例定自何年或係雍正年間議定文職養廉時一體酌給其每員應得若干係何名目各省是否一例按照地方情形品級大小酌定數目多寡又或各省參差不同著交各該部將定例年月及現在款項數目分晰查明開單具奏至此事因仍已久恐又有於

定數外私自尅扣增添者若每員任內私扣一名後任積漸加增侵扣無所底止督撫姑息不加查察久之即為虛額空糧之弊尤不可不徹底清查著通諭各督撫將各省提鎮以下武職現在分扣名糧實數及有無私添之處查明據實具奏此事既久朕槩從寬不究若稍有隱匿或致別經查出惟該督撫是問將此通諭知之

乾隆四十六年八月十五日奉

上諭國家設民衛民簡校軍實期於行伍整齊兵額充  
足如兵丁等紅白事件從前設有生息惠濟銀兩以  
資賞卹後因生息名色有關國體特敕停止昨據阿  
桂奏陝甘添兵案內籌及賞卹聲請酌復惠濟銀兩  
朕以國家賞兵之費藉商生息支給究屬非宜已傳  
諭阿桂等令其動用正項開銷矣茲袁守侗海祿前  
赴行在令軍機大臣傳旨詢問直隸雲南賞兵銀兩  
支銷款項據稱直隸裁扣公糧銀二萬兩雲南裁扣

公糧銀一萬六千餘兩以備賞用等語看來各省大都如此兵丁紅白銀兩原係加惠營伍格外施恩若因此裁扣名糧致兵額不足殊非核實營伍之道況今戶部帑項豐盈各省藩庫積存充裕即現在京營添兵四千九百名陝甘二省各營添一萬二千九百餘名其馬步糧餉合之各省兵賞卹紅白銀兩約美歲支尚不及百萬國家何靳此費不令開銷正帑而各省乃紛紛裁扣名糧又且請復生息甚無謂也朕

臨御四十六年以來惟事事以敬

天勤民為念凡三次普免天下地丁錢糧兩次普蠲各省  
漕糧以及遇灾即賑總計何啻萬萬又並未加增賦  
稅仰荷

上蒼嘉祐開拓邊陲府藏殷實國用充饒朕又豈肯稍存  
靳惜致令有司開聚斂剋扣之端乎所有各省營伍  
賞卹兵丁紅白銀兩自乾隆四十七年為始著於正  
項支給造冊報部校銷至各省提鎮以下武職員弁

俱有應得坐糧馬乾等項前於六月內業經降旨通諭各省督撫將各該省武職所得公項逐一查明覆奏俟奏報到齊令軍機大臣會同該部核辦照文員之例議給賞養廉其所扣兵餉即可挑補實額核計添給養廉歲支亦不及二百萬兩官員既無拮据而各省又增添兵力於營伍大有裨益朕御極之初戶部庫項不過三千萬餘兩今已增至七千餘萬復有何不足而不加惠天下散財以得民乎所有辦理添



補兵額紅白賞卹銀兩及裁添名糧養廉緣由明晰  
曉諭中外知之

臣等伏惟我

國家撫御承平官有常祿不於文武生區別之見  
邇年來

皇上恩加軍旅優恤戎行特奉

溫綸兼籌贍養之費自專閭以逮末弁胥

命與文職一體增給養廉復

申諭一切賞用悉予歲支其原扣名糧改補實額俾免虛糜蓋

聖天子於持平之中寓核實之道因時酌劑而不使習沿例事致

恩澤之或有未均也立法如是其周

施仁如是其溥以視唐府兵致假人為傭宋屯軍僅給錢宴犒其本末輕重何如也哉

皇上加惠寒畯疊舉大挑之典乾隆四十六年

詔舉行如例五十二年

恩命於會試榜前舉行並給年老舉子職銜

有差

分載  
盛事門

乾隆四十六年五月初五日奉

上諭各省大挑舉人分發試用原以疏通壅滯俾得及  
鋒自試向例原以省分大小酌定挑數自乾隆三十  
七年壬辰大挑部臣始以遠省挑十之六近省挑十  
之五定例請旨固為邊遠士子跋涉較艱格外優恤

起見而未思及近省中式者本來人多遠省本來人少茲朕閱本年各省大挑舉人名單內所挑近省科分有遠至三十五年者而遠省科分最久總不過二十餘年揆其所以蓋因直隸江浙等省近係中式舉人會試三科後始行揀選而雲貴川廣等遠省會試一科後即行揀選是以遠省科分略深者業已揀班選用其得官已較近省為優今大挑舉人若再按五六分挑取則大省科分較深之舉人轉多壅滯於

一視同仁之道未為平允除本年已經辦畢毋庸再  
議外至乾隆五十二年丁未科再加恩舉行大挑時  
無論省分遠近但就人數多寡均勻挑取俾各省士  
子均得乘時自効以示朕加惠寒畯之至意

乾隆五十二年三月二十一日奉

上諭向來大挑舉人俱於會試榜後該部定期奏請揀  
選但念各省舉人會試旅食京師若俟榜發後再行  
挑選未免又需時日此次大挑舉人著即在榜前辦

理俾得及早回籍毋需守候以示體恤再此內有年老舉人精力已衰情願得受京銜者並著派出揀選之王大臣照上屆之例按其年齒分別存記俟榜發後開單具奏照例賞給職銜用昭惠愛耆齡壽考作人至意

臣等伏惟四方多士幸際

昌辰羣霑

慶澤無不奮志科名而我

皇上加惠寒糴屢舉挑選之典

七旬萬壽後已兩次行之復以人數多寡各殊守候  
需時可念酌示變通用廣選途而矜旅食即在  
者儒未遇皆邀格外之

榮施於以知士類蒙庥無在非

大聖人曲成不遺之德也

皇上預籌民食本年

萬壽聖節

特派大臣於京師五城發粟平糶

乾隆五十五年七月二十七日奉

上諭本年朕八旬壽辰各直省文武大吏齊集京師者  
多率土臣民共伸祝嘏兼之辦理慶典黜綴商匠雲  
集人數實衆京城米價不無稍增現在京倉米數充  
盈著發給稜米三萬石照時價減糶事務著派胡季  
堂保成諾穆親蔣賜祭鐵保吉慶虔禮寶姜晟德成  
張若渟每城二人妥為經理於月月初一日起開倉



出糶以平市價而裕民食副朕行慶施惠有加無已  
至意

臣等欽惟我

皇上仁溥如天

恩施自近今秋恭舉

慶典羣方奔走偕來鱗集

輦下爰頒

閭諭發粟三萬石

命大臣於京師五城平糶煌煌

德意即一事而

宅心之廣大具可見矣伏惟

聖天子博愛長人式法於涵濡休養固已

愷惠流而政經舉朝野中外身被心知乃至日用飲

食之微亦徧羣黎百姓之德以是

錫祥保泰迓

天祐而揚

祖庥吉祚大來以愉以懌是所謂包四德貫四端

體仁即以體元體元即以

體乾是致

樂以天下

壽以萬世者也

臣等躬逢誌盛挂一漏百雖分類恭

載籍窺

福德相因之本而

浩蕩難名實無以鋪張懿茂云爾

欽定四庫全書

八旬萬壽盛典卷十三

聖德

九

文德一

臣等謹案道之顯者謂之文將以闡緝熙典學之  
原牖世觀成之盛是必有心法昭於萬年治法隆  
於亘古者乃以聖皇風而光壽世焉帝王之學所  
由與儒生異尚也我

皇上耄學維勤

鴻文富有常以

幾餘精詣煥發

睿思今逮

八旬

丹毫時御無非著

勅幾勤政之本以懋立言載道之功若夫

講席解經特以

精力之強從容

坐論義陳抑戒

德幼彌崇有四方承學之士所驚服不盡而景矚咸殷  
者又况

慶勝登於六科全書

頒於四庫

勉通經而敦實學

志好古以迪後儒即至三國梵言亦皆全藏繹成舊完  
編而

昭大義臣等久沐

聖人之教日近

天子之光仰見

洽壽增禧同文協軌實由於

昊乾錫佑靡不宣臻而引嚮者也猗歟偉哉

詔允廷臣所請編次

御製文第二集敬謹刊布復恭編

御製詩第四集成其第五集以乾隆四十九年始

先是乾隆五十一年五月二十五日

臣

梁國治等

謹

奏為恭編

御製文二集告成敬請鐫刻以

示訓行以彰美備事欽惟我

皇上聖學淵富文德日新以

內聖外王之功致

健行恒久之治



文因見道化以觀成自癸未以前編刻

御製文初集久已

經緯輿蓋照耀義娥茲自甲申至乙巳二十二年復得

文四百一十一首

臣

等獲侍

禁近每

丹稿初成輒蒙

宣示相與誦習講貫適然若驚恍然若迷復渙然若釋

思欲竭管蠡闕測萬一竊以為自虞夏商周秦漢

唐宋之文所謂渾噩醇厚博大奧衍者各有專長  
論文者亦各有專主其言大而夸者莫如李漢序  
韓愈之文曰周情孔思是言也愈何足以當之周  
公之文多言治自易之爻辭書之立政周官無逸  
詩之豳風大雅諸什周禮之六官皆其文也不惟  
其文所以立法度宅宥密萬世言治者之所守也  
孔子之文多言道自易之十翼春秋之褒貶論語  
之遺言禮記孝經諸賢之傳述皆其文也不惟其

文所以昭天地系民物萬世言道者之所宗也臣  
等排次

二集仰窺

御製於祈

天永命念

祖由舊每篇之中三致意焉若

巡典若水利若政經若武功若遠化凡出之為

明堂之治即敷之為

皇極之言若是者為周公之文若

經筵之論若初發易書詩春秋之微言大義進退諸史  
之得失是正諸儒之舊聞慎守器失統之由闡褒  
忠討貳之義旁逮聲音文字名物象數以當名辨  
物正言斷辭即小見大若是者皆孔子之文然後  
知李漢徒有是語舉千古之文皆不足以當之至  
我

大聖人而後周情孔思之得合而有真也然且漢之言

曰情曰思者何也周公有其德有其時而無其位  
孔子有其德而無其位并無其時故其於文以是  
為聖人之情爾思爾我

皇上坐而言即舉而措或

綏猷建極經數十年夙夜劬勞而後為

文以紀之或溥博淵泉萬幾未起而先為

文以發之蘊為情思顯為事功蓋無

德位時三者而一之故合

文與治與道三者而一之也

臣等恭依

初集體例排類為四十四卷繕錄進

呈並請

發下刊刻以傳布九有垂示萬世

臣等曷勝欽服欣幸

之至謹

奏奉

旨如所請行

臣等竊覩

御製文初集成編

聖壽方閱五旬茲

二集之成則已逾

古稀而

念典時勤於課藝之有常見

頤神之彌固盖

天以生知之哲亶聰明於

聖人

皇上以敷訓之言昭保錫於

皇極是以

鴻篇宣示數彙千贏煌煌乎竹素之大觀也

御詩之富每十二年獲

允編排與

文集同布藝林

四集並成壽棗梨而式模楷而

五集編已七年積六千首蓋自有文字以來無斯



鉅製由是

日新富有琅函寶帙有與星漢增輝者爾

皇上歲

御經筵乾隆五十五年

聖壽八旬

躬親講學如初是年

特命皇子及皇次孫從至

文華殿聽講

御製春仲經筵

庚戌

慶節都過返禁垣講筵誅蕩此臨軒崇文要在敦實力  
發義仍教著御論傾覆栽培順天道自強不息法乾元

是日四書題講裁者培之傾者覆之  
經題講天行健君子以自強不息 非沽八十猶勤學

抑以躬行示子孫

命皇子等及皇次孫於是  
日亦從至文華殿聽講

御論

裁者培之傾者覆之

解是二語者率以裁傾屬之人物培覆屬之天是猶視

天與人物為二也。予以為天與人物呼吸相通，本為一體。夫春生夏長，非栽者培之乎？秋收冬藏，非傾者覆之乎？四時代運，貞下起元，天何所容心於其間哉？人與物胥在乾元一氣之中，人得其全，物得其偏，則所謂因材而篤之者也。天之栽培傾覆，一歲所必有人之栽培傾覆，一生所不能無是則栽傾，由自取培覆，亦由自取人。惟當順天之常，克己之私，或庶幾乎若必求其栽而避其傾，是猶有吉凶禍福之見於其心者。吾見其不能如四

時之運行焉

天行健君子以自強不息

此教人以聖希天之法也夫士之去賢聖且遠矣而況  
天乎然而不可無希之之志若不希之是自畫也昔為  
三希堂記略見斯義且天之行健日日在人目前予以  
為較聖賢之去人為尤近耳君子以是為德自強不息  
焉不庶幾可希天乎蓋所謂自亦有二義一曰自己二  
曰自然自己尚覺有私自然則無為也無為而不息此

天之所以行健而人之所當以為法也設曰何以不息則註之曰克己復禮

臣等伏惟我

皇上臨御經筵不以

耄齡而謝躬親蓋舉典弗尚虛文而

垂訓惟昭實踐彌用

勵宥密之勤

精求政本

筭握道樞以見

君師統合積萬年如一日者耳敬繹本年

御論闡乾元一氣之符宣

聖學三希之蘊要皆

立言壽世發抒乎至誠不息之本體以契合乎

躬行心得之粹精矧乎

八旬親講亘古未聞並

命皇子孫近仰

提撕預聞

至教彼衛武公耄而好學詩人薌之為美德以視我  
皇上之志篤敏求相距何啻萬萬也乎若夫

辟雍

臨講事在乾隆四十八年謹分載

盛事門

皇上以八旬萬壽

特開恩科先於乾隆五十三年

詔命分經試士自是年戊申正科始輪次一週五經  
並試

先是乾隆四十三年中外臣民以庚子歲恭屆  
聖壽七旬籲請舉行

慶典未蒙

俞允

特頒恩旨五開鄉會試科本年

八旬萬壽



詔於戊申秋預舉正科鄉試己酉春預舉正科會試其  
恩科事宜即於五十四年秋五十五年春次第舉行恭  
奉

諭旨及士子陳請題謝諸疏分載

恩賚門

乾隆五十二年十二月二十五日大學士九卿等  
遵

旨會議得鄉會試二場向用經文四篇論一篇但各省

定例俱係分經中式或一經佳卷較多或一經佳  
卷獨少考官按例取中未免為經額所限致有偏  
枯且各經分載卷面其中或有暗藏關節之卷亦  
易於檢閱伏思士子束髮授書原應五經全讀現  
在鄉會兩試祇就各生所習本經取中應試各生  
祇須將本經揣摩誦習即可倖中而於本經之外  
或竟至束書不觀殊非崇尚經術之道自應於鄉  
會試二場酌改每經各出一題每人作經文五篇

俾應試士子咸讀五經以敦實學即不安義命之徒夤緣關節勢必不能盡人請托而通場卷面並不分經各房官亦斷不能緝閱全場將關節之卷檢出呈薦在主考憑文錄取無庸查照經額拘泥遷就於防閑關節甄錄佳卷均有裨益惟士子專習一經奉行已久明歲即屆鄉場為期甚近若即改用五經考試在大省不乏兼通五經之人或可取中足額第恐邊隅小省全讀五經者較少猝

難通習或致二場不諳題解背謬經旨難於取中  
查宋臣朱熹有將各經分年試士之議應先請仿  
照其法自明歲戊申鄉試為始用易經出題次年  
己酉會試用書經出題以後按照鄉會科分將詩  
經春秋禮記依次出題考試並令各省學政於某  
科應用某經之年考試生員即用某經出題鄉會  
五科之內以次考畢五經即邊隅小省經輪年考  
試之後亦俱能誦習五經曉悉義旨再於鄉會試

二場裁去論一篇五經各出一題此後即作為定例其生員歲試俟五科後令該學政不拘何經酌出一題隨時輪流間出至童生考試自明歲為始仍復舊例用四書文二篇裁去經文以歸畫一等因具

奏奉

上諭大學士九卿議奏科場條例嚴申功令豫絕弊端各款所議俱屬詳悉周妥已依議行矣但鄉會二場

改用五經請自戊申鄉試為始用易經出題以後按  
照鄉會科分將五經依次輪試一週再於鄉會試二  
場五經並試一節雖極為允當士子束髮授書原應  
五經全讀向來止就本經按額取中應試各生祇知  
專治一經揣摩誦習而於他經並不旁通博涉非敦  
崇實學之道今改用五經既可令士子潛心經學又  
可以杜絕場內關節弊端而衡文取中復不致限於  
經額致佳卷被遺自應於分年輪試畢後即以五經

出題並試惟所請明歲戊申鄉試先用易經出題之處周易理蘊深奧猝難通曉並恐邊省未必人人誦習明歲鄉闈為期較近若遽以易經命題考試其向非專經者或致不諳經旨難於取中因思士子以詩經為本經者多所有明歲戊申鄉試著先以詩經出題次年會試著用書經俟下次鄉試再用易經以後按照鄉會科分輪用禮記春秋庶士子得以漸次兼通講求精熟不致臨時草率應試諸生務須經明行修爭自

濯磨以端實學而期仕進其膺衡文之任者亦應精  
白乃心秉公鑑拔以副朕作人雅化



欽定四庫全書

卷十三

欽定四庫全書

八旬萬壽盛典卷十四

聖德

十

文德二

皇上命頒布四庫全書

詔許士子檢錄乾隆五十五年復

諭翰林院一體遵行

御製命頒布四庫全書時許願讀中秘者抄錄毋靳詩

以誌事

庚戌

欽定四庫全書

八旬萬壽盛典

發帑增抄四庫書更非捷徑為崇儒

前因江浙為人文淵藪特命繕寫四

庫全書三部分分寄揚州文匯閣鎮江文宗閣杭州文瀾

閣俾士子得就近抄錄傳觀用光文治其抄錄書手皆

特發內帑雇覓不致濫

邀議叙為仕途捷徑也擬公寒士廣聞檢預禁守臣嚴

護符

全書繕竣分度三閣恐地方大小吏過於珍護以致徒供棟架無裨觀摩因復降旨曉諭有願讀中

秘書者許其陸續領出廣為傳寫但令督撫等派委妥

員董司其事設立收發檔案登註明晰不致遺失外錯

俾多士得殫見洽聞以副朕

樂育人才稽古右文之至意

褒博三倉實富矣精英二  
酉任觀乎欲期寰宇敷文教濟濟明廷治贊吾

先是乾隆三十八年

命館臣蒐輯永樂大典散篇成帙並校勘各省所進遺  
書彙為四庫全書共三萬六千冊繕寫四分分貯  
大內之文淵閣

圓明園之文源閣

避暑山莊之文津閣

盛京之文溯閣復

命擇精粹者輯為四庫全書薈要一萬二千卷繕成二  
分一貯

大內摘藻堂一貯

圓明園味腴書室乾隆四十四年四十五年薈要二分告成四十六年至四十九年四庫全書四分次第告成又乾隆四十七年

特頒諭旨俯念江浙為人文淵藪發給內帑續繕四庫全書三分於揚州文匯閣鎮江文宗閣杭州文瀾閣各貯一分至五十五年陸續頒發其自四十五年以後編纂成書者若

皇清開國方略滿洲源流考平定三逆方略

大清一統志

皇朝通典通志續通典通志

盛京通志

宗室王公表傳蒙古王公表傳繙譯五經通鑑綱目

續編通鑑輯覽附錄改正名字之金元遼史契丹

國志明宮史明臣奏議職官表河源紀略蘭州紀

略熱河志日下舊聞考補繪離騷音韻述微詩經

樂譜等書均

諭令錄入四庫全書以昭美備

乾隆五十五年五月二十三日奉

上諭四庫全書薈萃古今載籍至為美備不特內府珍  
藏籍資益覽亦所以流傳廣播沾溉藝林前因卷頁  
浩繁中多舛錯特令總纂等復加詳細讐校俾無魯  
魚亥豕之訛茲已釐定藏工悉臻完善所有江浙兩  
省文宗文匯文瀾三閣應貯全書現在陸續頒發藏

度該處為人文淵藪嗜古好學之士自必羣思博覽  
藉廣見聞從前曾經降旨准其赴閣檢視抄錄俾資  
蒐討但地方有司恐士子繙閱污損或至過為珍秘  
以阻其爭先快觀之忱則所頒三分全書亦僅束之高閣  
轉非朕搜輯羣書津逮譽髦之本意即武英殿聚珍  
版諸書排印無多恐士子等亦未能全行購覓該督  
撫等諄飭所屬俟貯閣全書排架齊集後諭令該省  
士子有願讀中秘書者許其呈明到閣抄閱但不得



任其私自攜歸以致稍有遺失至文淵等閣禁地森嚴士子等固不便進內抄閱但翰林院現有存貯底本如有情殷誦習者亦許其就近檢錄掌院不得勒阻留難如此廣為傳播俾茹古者得觀生平未見互為抄錄傳之日久使石渠天祿之藏無不家絃戶誦益昭右文稽古嘉惠士林盛事不亦善乎

臣等欽惟我

朝圖籍垂光儲珍藝藪

皇上以聖學崇深迪

稽古右文之治爰羅三萬六千冊之閱富編纂檢校

悉稟

審裁既快全書之集大成分藏

四閣備著

記文美矣盛矣復

發帑繕錄三分

頒之江浙兩省特沛

恩言許令傳抄毋靳其情殷誦習者翰苑存貯底本  
亦得就近檢錄蓋

聖人敷宣雅化嘉惠儒林有加無已之至意允宜祥  
徵太乙輝映長庚

天文人事並昭煒郁者哉

乾隆五十五年

皇上重排石鼓詩

特命製鼓重刻置太學及熱河

# 文廟

御製集石鼓所有文成十章製鼓重刻序

庚戌

凡舉大事者必有其會與其時而總賴昭明

天貺以成其功武成九次無論矣即如四庫全書及以國

書譯漢藏經皆始於予六旬之後

自癸巳年蒐輯海內遺書並於永樂

大典內採集散篇命館臣依經史子集督結四庫全書四分又佛經本出尼訥特珂克一譯而為唐古忒之番再譯而為震旦之漢其蒙古經則康熙及乾隆陸續譯成而未有國書之佛經先於乾隆三十七年亦命開館詳定茲二事卷帙浩繁俱非易於觀成者乃皆在予六旬後始命舉行初亦覺其遲也

而悔之以為舉事已晚恐難觀其成越十餘載四庫全書則早叅攷裝潢畢以貯之閣而所譯漢藏茲亦將告畢就此非

天恩垂佑俾予雖老而善成此二事乎近因閱石鼓文惜其歲久漫漶所存不及半夫以國學興賢述古之為使千萬年之後並此僅存者胥歸無何有之鄉有治世之責者視之而弗救予且不成為讀書之人矣斯事體大千古讀書人所不能任亦從無道及者予故不忤

不文及此未至耄耄智昏爰藏此事蓋石鼓之為宣

王時作與夫宜置國學為萬世讀書者之津逮自以

韓昌黎之見為正車攻吉日之章班班可考也

後人議論

紛出如董道程大昌據左傳成有岐陽之蒐以為成王鼓鄭樵據歐陽二字見秦斤秦權以為秦鼓馬定國據後周書以為宇文鼓陸友仁據北史以為元魏鼓至楊慎之偽作全文為尤謬甚總不若韓愈之見為正蓋即本鼓之文取証小雅可信也若歐陽修集古錄云韋應物以為文王鼓宣王刻今應物石鼓歌具存明以為宣王何曾有文王之說近者尚悞况與論三代以上哉夫昌黎有其見而

無其力且未思及存其詩則予較昌黎為勝矣茲用

幸翰苑之例

乾隆九年重修翰林院落成親臨錫宴以張說東壁圖書府五律四十字為韻

予賦東字及末音字二韻其餘飭諸臣各分一韻賦詩

親定首章截其長以補

後數章之短即用文中字並成末章自第二至第九  
命彭元瑞按餘字各補成章非因難以見巧實述古  
以傳今於是石鼓之文仍在十鼓井井有條而不紊  
矣舊鼓舊文為千古重器不可輕動但置木柵蔽其  
風雨以永萬世而新為十鼓以刻十章並列國學以  
公天下惠後儒則仍周宣之文也熱河

文廟為歲歲惠遠詰武之地則亦命置之以詔來世庶  
乎宣王中興之烈不泯

宣聖牖世之道恒昭而予耄耄之年尚得歲此崇文之  
舉孰非會之萃時之合深蒙

昊旻之所致哉希周家卜世之久豈皇清重道之規後世  
子孫尚慎念之是為序

避我車既工攻避我馬既同避我車既好避我馬既駢

阜君子員員云選選獵其存麇鹿速速君子之求



右一

八句凡二十  
九字重文三

廊

廊猷音

合衢

道允

戴

熾

佳

維

宣

宣

天子

謂公

逌

徒我

其

以

闕

簡

逌

徇

衆

除

行

道

具

駕

毆

逌

我

駿

馭

其

亞

師

逌

我

弓

其

射

右二

十五字

亞車

超超

赴齒

首車

遠遠

績

左驂

駮駮

教

右驂

駮駮

音

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

如其

旃

旃

君子

其來

其

游

變

變

丑若

反司

馬相

右三

八句凡二十  
六字重文六

敲車趨趨

丑亦反  
行聲也

軟

策

馬趨趨

音

衡

導

馭

彼

𩇑

𩇑

遼

原

躋馭

彼

大陟

陸

彤矢

矦矦

鍊

鹵

鹵

弓𣪠𣪠

音

其旂

𣪠𣪠

音

其旂

𣪠𣪠

音

其旂

音洛  
君子其來

右四

八句凡二十  
七字重文五

遄來馭馭

音

寺

時

余卅

三

里

余射

鹿于

兹六

轡

寫

却

止

出勿𩇑

憂

微霧

靈

或以

時雨

遼

原

溼

隰

陰陽

霑

靈

帛

泊

攀

華

遨

樂

天子

之

所

右五

九句凡三十  
七字重文一

其淵駸

也

孔深帛

泊

淖塗塗

洋

滔滔

沔沔

泛

滿漫

之一

方其魚不識烝烝

烝佳

維

鱣

鯨

鯢

鯢

鯢

白音

楫  
又畧

右六

八句凡二十  
九字重文四

其序

阪

又多

對為

櫟

櫟

榕

音

樸

楊

枿

枿

既柞

如算

芥

如箸

及

碩

禽

翰

適

收

而乍

時

右七

八句凡三十四字

其遼

原

孔度獸直

通

寧

處麋豕獮

豚

蜀犢

鹿鹿雉兔

越越

音

其昊

古老反白澤也

越越

憲

其虎左驂馬執之大黃弓

射之

右八

八句凡三十二字重文二

即鹿又奔搏鹿又真

填

鮮蒞

蒞

時旨

旨

異

胡

音拉今作肱博雅膜

謂之

是申如天之高

喜潘迪作嘉朱桑尊石鼓考據施宿引說文作喜

秀覩藝

員

云

卞作

微微

未

庸庸

未

詳即以寫樂

右九

八句凡三十  
字重文二

迂徒驥馭既射避我馬載止用賢孔度康康敕嗣治田

車既安日佳維丙申用各為章害曷不永寧

右十

八句凡三十  
一字重文一

御製重排石鼓詩得句庚戌

就石鼓所有三百十字分排十章並鑿成十鼓各泐

其面

十什排成十鼓咸崇文漫議創非凡就其本有差鱗次

弗以所無為雁讒潘氏迪詳詮尚可取楊家慎偽作概  
從芟拈題既復輒然笑那禁千年後削劓

臣等謹案古來金石之最壽者莫石鼓若其宜  
寘國學以津逮萬世之讀書者誠如

御製序文題唐臣韓愈之言為正慶逢我

皇上登耄耄之年勅億萬載非常之舉舊文

重次貞石新刊用以公天下而昭來許而

聖意深遠

命於國學於熱河

文廟分列其間

臣

等竊以車攻吉日之詠周宣不

過揚中興之駿業而未嘗膺運會之極隆若我  
皇上文謨武勲炳灼今古偉

鴻烈之九奏拓疆宇於二萬里之遙胥籍

天眷

祖貽蒙庥悠遠則今新鼓之成義娥齊耀夫豈容成隸  
首所能布算及之者乎

乾隆五十五年

命以清文繙譯全藏經成

皇上親製序文

申訓

御製清文繙譯全藏經序

庚戌

為事在人成事在

天天而不佑事何能成人而不為

天何從佑然而為又在循理為不循理之事



天弗佑也予所舉之大事多矣皆賴

昊乾默佑以致有成則予之所以感

貺奉行之忱固不能以言語形容而方寸自審實不知其當何如也武功之事向屢言之若夫訂四庫全書以及國語譯漢全藏經二事胥舉於癸巳年六旬之後既而悔之恐難觀其成越十餘載而全書成茲未逮二十載而所譯漢全藏經文畢歲夫耳順古稀已為人生所艱致而况八旬哉茲以六旬後所辦為之典逮八旬而得

觀國語大藏之全成非

吳乾嘉底其孰能與於斯而予之所增惕欽承者更不知其當何如矣至於以國語譯大藏恐人以為惑於禍福之說則不可不明示其義夫以禍福趨避教人非佛之第一義諦也第一義諦佛且本無而況於禍福乎但衆生不可以第一義訓之故以因緣禍福引之由漸入深而已然予之意仍並不在此蓋梵經一譯而為番再譯而為漢三譯而為蒙古我皇清主中國百餘年彼

三方久屬臣僕而獨闕國語之大藏可乎以漢譯國語  
俾中外胥習國語即不解佛之第一義諦而皆知尊君  
親上去惡從善不亦可乎是則朕以國語譯大藏之本  
意在此不在彼也茲以耄耄觀歲事實為大幸非溺於  
求福之說然亦即蒙

天錫佑如願臻成所為益深畏滿怵惕儆戒而已耳是  
為序

臣等謹案佛書以有全藏不與經史並列我

皇上精究法乘以為梵文雖異其義則同亦既三譯  
成編番漢蒙古字體俱備則

國語譯經之舉所闕固有甚鉅者焉仰惟

皇上以長壽無量之身

康強御世慶登

八旬而茲所譯全藏經文適以本年告歲是不可思  
議之因緣皆由

善思議之福智有以快如願而覩圓成信非偶然也

恭譯

序文推本於

上天之默佑

示要於中外之尊親要皆以循理之為廣


大同之化然則

文思光被

至德難名彼三竺之秘典且將與四庫之鴻篇同垂

不朽豈非

億載昌期之盛事乎哉



八旬萬壽盛典卷十四